

1051.*ohne Datierung****Einigung über den vererbten Acker von Passegken.***

fol. 198r Nicolaus Fogeler also eyn geboren vormunde Marthan Forbigers tochtir, Hans Schuweman also eyn vormunde Anna, synir jungfrauwen, und Nickel Nuwemargkter also eyn vormunde synir eewirtin haben sich vorczihin des agkirs, der des alden Passegken, iris vaters, gewest ist und der Forbigers tochtir eyn teil von ir muter und Nickel Nuwemargkters eliche wirtin an drittils phlicht eyn teil ankomen ist, keyn Johannes Tretwyns gotseligen eewirtin, dy denne vor auch eyn teil doran hat, dy uff alle teil gereth und globit haben der frauwen in sulchin agkir nicht czu halten, sundern sy dobye helfen hanthaben, schuczen und vorteidigen an allen eyntag und haben sich des mit eynem czeichen vorczihen, den schult(heiss) und schephen der frauwen czu eynem rechten erbe gelihen haben. Der agkir vor dem nidirn thor am Anger bey Morginsterns agkir gelegen ist.

1052.*ohne Datierung****Kunz Frolichs Witwe verkauft ihren Anteil an einem ererbten Garten.***

fol. 198r Kuncz Frolichis vorlaszine eewirtin hat bekanth, daz ör Jost Frolich, ir kindir nestir swertmarge und vormunde, in vormundeschafft der kindir abgekauft hat den^{a)} drittinteil des garten vor dem nydirn thor gelegen. Dar umbe er ör willin gemacht und mit der bezalung vorenugit hat. Dy gereth und globit hat in keginwertikeit Johannis Swarcinbergis, des wagmeistirs, und Andres Goltsmidis, ir nesten frunde, vor schult(heiss) und schephen, daz sy dy kyndir umbe sulchen garten nicht anlangen noch beteidigen wil und auch nymande vor iren wegen czu thun gestaten und will den garten den kynden laszin folgen, dy domit thun und laszen sullen also mit irem gute, dy weile sy leben etc.

a) folgt durchgestrichen garten

1053.*1462 Januar 13****Jocoff Mulner macht sein Testament.***

fol. 198v Jocoff Mulner ist komen vor eyn siczinden rath und hat irczalt, wy er Paul, synem sone, und Margarethan, synir tochter, ire wirtschafft und hochzeit uszgericht und mit synem gute vor den andirn kindern vaste hulffe